

UPRAVA DRUŠTVA

Broj: U.D.-01.-04.-16774/25
Sarajevo, 12.06.2025.godine

Na osnovu člana 45. Statuta, člana 70. stav (3) i 72 stav (3) i (4) Zakona o javnim nabavkama ("Službeni glasnik BiH" br.: 39/14 i 59/22 i 50/24), člana 18. Pravilnika o javnim nabavkama i preporuke Komisije za nabavku robe: paketomata za prijem i isporuku poštanskih pošiljaka, broj: 07.4-11-9-18028-34/24, od 03.06.2025. godine, Uprava Društva na 99. sjednici održanoj dana 12.06.2025.godine, d o n o s i:

**ODLUKU
O IZBORU NAJPOVOLJNIJEG PONUĐAČA**

I

Ovom Odlukom vrši se izbor najpovoljnijeg ponuđača, a to je ponuđač: **„PRINTEC BH“ d.o.o. Sarajevo (predstavnik grupe) i „PRINTEC S.I. Ljubljana** u postupku nabavke: paketomata za prijem i isporuku poštanskih pošiljaka sa ukupnom vrijednošću ugovora od **46.800,00 KM bez PDV-a, odnosno 54.756,00 KM sa PDV-om.**

II

„Izabrani ponuđač je dužan u roku od 5 dana od dana prijema ove odluke dostaviti dokaze predviđene članom 45. Zakona o javnim nabavkama u formi i sadržaju kako je to zahtijevano u tenderskoj dokumentaciji ovog postupka nabavke. Dokazi moraju biti fizički dostavljeni na Protokol ugovornog organa najkasnije peti dan po prijemu odluke o izboru, u radnom vremenu ugovornog organa (do 16 sati), te za ugovorni organ nije relevantno na koji su način poslati. Dokazi koji se zahtijevaju moraju biti originali ili ovjerene kopije.

III

Ovom Odlukom stavlja se van snage Odluka o izboru najpovoljnijeg ponuđača, broj: U.D-01-04-11611/25, od 03.04.2025. godine.


IV

Nakon pravosnažnosti ove Odluke, Ugovorni organ će pozvati izabranog ponuđača iz tačke 1. ove Odluke radi zaključenja ugovora kojim će se regulisati međusobna prava i obaveze vezane za predmetnu nabavku, u skladu sa odredbama Zakona o javnim nabavkama, odnosno poslati obavještenje ponuđačima koji su učestvovali u postupku nabavke.

O B R A Z L O Ž E N J E

Na osnovu Odluke o pokretanju postupka javne nabavke robe: paketomata za prijem i isporuku poštanskih pošiljaka, broj: U.D-01.04-21095/24, od 25.12.2024. godine (sa procjenjenom vrijednosti nabavke 49.950,00 KM bez PDV-a) i Rješenja Generalnog direktora o formiranju Komisije za nabavku, broj: 01-11-9-18028-6/24, od 25.12.2024. godine, Komisija je provela postupak javne nabavke, putem konkurentskog zahtjeva za dostavu ponuda, broj tenderske dokumentacije 07.4-11-9-18028-18/24 (sa objavljivanjem Objaveštenja o nabavci, broj: 238-7-1-32-3-45/25, od 11.02.2025.godine, na Portalu JN).

Javno otvaranje ponuda u postupku predmetne nabavke održano je dana 24.02.2025. godine u 10 sati i 15 minuta, u prostorijama Generalne direkcije "JP BH POŠTA" d.o.o. Sarajevo,



GENERALNA DIREKCIJA

Obala Kulina bana br. 8, o čemu je sačinjen Zapisnik o otvaranju ponuda, broj: 07.4-11-9-18028-26/24, koji je istog dana dostavljen ponuđačima koji su učestvovali u predmetnom postupku nabavke putem mail-a (o čemu Komisija posjeduje dokaz o uručenju). Predstavniku ponuđača

„PRINTEC BH“ d.o.o. Sarajevo, čiji predstavnik, Edin Mahić je prisustvovao otvaranju ponuda, Zapisnik je uručen lično.

Takođe, Komisija je konstatovala da su ponuđači čije su ponude pristigle blagovremeno, do roka naznačenog za otvaranje ponuda, preuzeli tenderske dokumentacije sa Portala javnih nabavki, a sve u skladu sa Uputstvom o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu „e-nabavke“.

Komisija je prije samog otvaranja ponuda konstatovala sljedeće:

- da je tenderska dokumentacija učinjena dostupnom na Portalu JN;
- da je ukupno 14 (četrnaest) potencijalnih ponuđača preuzelo tendersku dokumentaciju;
- da su do roka za dostavljanje ponuda pristigle ukupno 3 (tri) blagovremeno dostavljene ponude;
- da su koverta neoštećene, uredno zapakovane i zapečaćene
- da je na kovertu stavljen redni broj prema kojem se utvrđuje redoslijed otvaranja i čitanja ponuda, prema vremenu dostavljanja na Protokol.

Komisija je prilikom otvaranja ponuda javno saopštila podatke o nazivu i sjedištu ponuđača, ukupnu cijenu ponude i eventualni popust, ne praveći tom prilikom uvid u sadržaj i validnost dostavljene dokumentacije.

Na Protokol Društva do roka određenog za prijem ponuda (24.02.2025. godine do 10,00 sati), pristigle su ponude slijedećih ponuđača:


- „DIRECT 4 ME“ d.o.o. Ljubljana, ul. Ob železnici 22; 1000 Ljubljana
- Grupa ponuđača: „PRINTEC BH“ d.o.o. Sarajevo, ul. Kolodvorska 12 i „PRINTEC S.I. Ljubljana, ul. Vodovodna cesta 100; 1000 Ljubljana
- PAYTEN d.o.o. Sarajevo, ul. Džemala Bijedića broj 2; 71 000 Sarajevo

Komisija je izvršila uvid u dostavljene ponude svih ponuđača koji su učestvovali u predmetnom postupku nabavke te je prilikom analize ponuda prema redoslijedu prispjeća utvrdila slijedeće:

1. da ponuda ponuđača „DIRECT 4 ME“ d.o.o. Ljubljana u ukupnom iznosu od **49.488,00 KM bez PDV-a**, ispunjava sve uslove propisane tenderskom dokumentacijom, te je shodno tome ocijenjena kao pravno, ekonomski i tehnički **prihvatljiva** za ugovorni organ i ista će biti predmet vrednovanja.
2. da ponuda grupe ponuđača „PRINTEC BH“ d.o.o. Sarajevo, i „PRINTEC S.I. Ljubljana u ukupnom iznosu od **49.941,86 KM bez PDV-a**, ispunjava sve uslove propisane tenderskom dokumentacijom, te je shodno tome ocijenjena kao pravno, ekonomski i tehnički **prihvatljiva** za ugovorni organ i ista će biti predmet vrednovanja.

Napomena: Uvidom u izvod iz aktuelnog sudskog registra utvrđeno je da firma od 13.01.2025. posluje pod nazivom „Printec BH“ umjesto ranije „PBH TECHNOLOGIES (sa kojeg je preuzeta TD na Potalu JN u predmetnom postupku javne nabavke)

3. da ponuda ponuđača „PAYTEN“ d.o.o. Sarajevo u ukupnom iznosu od **49.512,00 KM bez PDV-a**, ne ispunjava sve uslove propisane tenderskom dokumentacijom, te je



shodno tome ocijenjena kao pravno, ekonomski i tehnički **neprihvatljiva** za ugovorni organ i ista neće biti predmet vrednovanja.

Ocjenom Komisije za nabavku utvrđeno je da Ponuda ponuđača „PAYTEN“ d.o.o. Sarajevo ne ispunjava uslove propisane tenderskom dokumentacijom iz sledećih razloga:

Ponuda, broj: 3-2/25 ne sadrži Spisak izvršenih Ugovora, kako je to zahtevano tačkom 2.2. h 1) Tenderske dokumentacije. U daljoj ocjeni Ponude, Komisija je utvrdila da ponuđač u Obrascu za cijenu ponude nije pravilno izračunao ni pojedinačno ponuđene cijene ponuda po stavkama 1. i 3., kao ni ukupnu cijenu ponude.

Naime, za stavku 1. Ponude „Paketomat na baterijsko napajanje i isporuku poštanskih pošiljki“ ponuđač „PAYTEN“ d.o.o. Sarajevo, ponudio je jediničnu cijenu ponude od 49.500,00 KM bez PDV-a. U kolonu ukupno je prepisao isti iznos jedinične cijene, pri tome je ne pomnoživši sa traženom količinom 4 komada iz obrasca za cijenu ponude.

Takođe, za stavku 3. „Usluga mjesečnog nadzora i održavanja back-end Sistema i softvera paketomata i korisničke podrške, ponuđač je u polje „jedinična cijena“ upisao cijenu od 1,00 KM bez PDV-a. U kolonu ukupno prepisao je isti iznos, pri tome ne pomnoživši sa traženom količinom 12 mjeseci.

Obzirom da pravilnom računicom na osnovu upisanih jediničnih cijena, dolazimo do ukupnog iznosa od 198.000,00 KM bez PDV-a, nije bilo nikakve svrhe slati ponuđaču obrazac za cijenu ponude na ispravku jer ponuđena cijena 296,4% veća od procijenjene vrijednosti nabavke.

Takođe, Ponuda ponuđača „PAYTEN“ d.o.o. Sarajevo, broj: 3-2/25 ne ispunjava uslove tehničke prirode i to: u priloženoj tehničkoj specifikaciji za ponuđene paketomate navedeno je da su paketomati prilagođeni napajanju 220 V, što nije u skladu sa traženim tehničkim karakteristikama koje su navedene u Tabeli br.1 gdje je tačkom 2.1.1. traženo da paketomati trebaju imati baterijsko napajanje sa solarnim punjenjem baterija.

Obzirom na sve gore navedeno, Komisija je ocijenila ponudu ponuđača „PAYTEN“ d.o.o. Sarajevo neprihvatljivom i ista neće biti predmet nadmetanja na e-aukciji.

Prema gore navedenom rang lista prihvatljivih ponuda je sledeća:

Red. broj	Naziv ponuđača	Ukupna vrijednost bez PDV-a
1.	Grupa ponuđača: „PRINTEC BH“ d.o.o. Sarajevo (predstavnik grupe) i „PRINTEC S.I. Ljubljana	49.941,86 KM
2.	„DIRECT 4 ME“ d.o.o. Ljubljana	49.488,00 KM

U skladu sa naprijed navedenim, Komisija je zakazala e-aukciju 2 (dvije) prihvatljive ponude, na Portalu javnih nabavki u skladu sa Pravilnikom o uslovima i načinu korištenja E-aukcije ("Službeni glasnik BiH" broj: 80/23), za dan 10.03.2025. godine u 14,00 sati.

Nakon završene e-aukcije u zakazanom terminu, u ukupnom trajanju od 18 (osamnaest) minuta, Komisija konstatuje sledeće:

1. da ponuda ponuđača „DIRECT 4 ME“ d.o.o. Ljubljana u ukupnom iznosu od **45.750,00 KM** bez PDV-a, ispunjava sve uslove propisane tenderskom dokumentacijom, te je shodno

tome ocijenjena kao pravno, ekonomski i tehnički **prihvatljiva** za ugovorni organ i ista je predmet vrednovanja.

Ponuda ponuđača „DIRECT 4 ME“ d.o.o. Ljubljana, umanjena je na e-aukciji za **7,553346 %** u odnosu na vrijednost prvobitnodostavljene ponude, koja je iznosila 49.488,00 KM bez PDV-a.

2. da ponuda grupe ponuđača „**PRINTEC BH**“ d.o.o. Sarajevo (predstavnik grupe) i „**PRINTEC S.I. Ljubljana**“ u ukupnom iznosu od **46.800,00 KM** bez PDV-a, ispunjava sve uslove propisane tenderskom dokumentacijom, te je shodno tome ocijenjena kao pravno, ekonomski i tehnički **prihvatljiva** za ugovorni organ i ista je predmet vrednovanja.

Ponuda grupe ponuđača „**PRINTEC BH**“ d.o.o. Sarajevo (predstavnik grupe) i „**PRINTEC S.I. Ljubljana**“, umanjena je na e-aukciji za **6,291035 %** u odnosu na vrijednost prvobitnodostavljene ponude, koja je iznosila 49.941,86 KM bez PDV-a.


Prema gore navedenom rang lista prihvatljivih ponuda, nakon održane e-aukcije je sledeća:

Red. broj	Naziv ponuđača	Ukupna vrijednost bez PDV-a
1.	„DIRECT 4 ME“ d.o.o. Ljubljana	45.750,00 KM
2.	Grupa ponuđača: „PRINTEC BH“ d.o.o. Sarajevo (predstavnik grupe) i „PRINTEC S.I. Ljubljana	46.800,00 KM

Na osnovu navedene analize i rang liste ponuđača po utvrđenom kriteriju: najniža cijena, Komisija je predložila Upravi Društva da donese Odluku o izboru najpovoljnijeg ponuđača „DIRECT 4 ME“ d.o.o. Ljubljana, te je istom dostavljen i ugovor na potpis nakon proteka žalbenog roka.

-Gore navedeni ponuđač je potpisao i dostavio Ugovor, broj: D4M120525-01, od 13.05.2025. godine (za "JP BH POŠTA" d.o.o. Sarajevo, broj: 01-11-10-417/25, od 30.04.2025. godine), te dostavio kvalifikacionu dokumentaciju iz člana 45. Zakona, ali je **propustio da u propisanom roku dostavi garanciju za uredno izvršenje ugovora kako je to zahtjevano članom 14. Pomenutog ugovora i tačkom 2.2. pod i) tenderske dokumentacije** u kojoj je zahtjevano "Izjava ponuđača da će u slučaju dodjele ugovora u roku od 15 (petnaest) dana od dana obostrano potpisanog Ugovora dostaviti neoštećenu bezuslovnu (bez prigovora) bankarsku garanciju za uredno izvršenje Ugovora, u visini od 5% od ukupne vrijednosti ugovora bez uračunatog PDV-a sa rokom važnosti: rok važnosti Ugovora 8 (osam) mjeseci+ 30 dana".

U sklopu svoje Ponude, broj: D4M170225-01, od 17.02.2025. godine, u okviru Obrasca za ponudu (tačka 4), ponuđač „DIRECT 4 ME“ d.o.o. Ljubljana je prihvatio obavezu dostavljanja garancije na način i pod uslovima zahtjevanim u tenderskoj dokumentaciji. Dakle, pored prihvatanja obaveze dostavljanja garancije, odabrani ponuđač je propustio da istu blagovremeno dostavi, **čime su ispunjeni uslovi za primjenu odredi člana 72. stav (4) Zakona**, koja glasi: „Ako izabrani ponuđač ne dostavi garanciju za izvršenje ugovora u ostavljenom roku, nakon zaključivanja ugovora, zaključeni ugovor smatra se apsolutno ništavim“.



Obzirom da ponuda **Grupe ponuđača: „PRINTEC BH“ d.o.o. Sarajevo (predstavnik grupe) i „PRINTEC S.I. Ljubljana** u potpunosti odgovara traženim tehničkim zahtjevima ugovornog organa tj. da ovaj ponuđač ispunjava sve formalno-pravne, tehničke i ekonomske uslove tj. zahtjeve ugovornog organa, odnosno da je njegova ponuda prihvatljiva za ugovorni organ, ugovorni organ donosi Odluku o izboru najpovoljnijeg ponuđača u postupku javne **nabavke paketomata za prijem i isporuku poštanskih pošiljaka**, sa ukupnom vrijednošću ugovora od 46.800,00 KM, odnosno 54.756,00 KM sa PDV-om.

Cijeneći navedeno, donesena je Odluka kao u dispozitivu.

PRAVNA POUKA:

Svaki ponuđač koji ima legitiman interes za konkretan Ugovor o javnoj nabavci i koji smatra da je Ugovorni organ u toku otvorenog postupka nabavke prekršio jednu ili više odredbi Zakona o javnoj nabavci i /ili podzakonskih akata ima pravo uložiti žalbu Ugovornom organu u roku od 5 (pet) dana po prijemu odluke o izboru shodno članu 99. i članu 101. Zakona o javnim nabavkama.

Cijeneći navedeno, donesena je Odluka kao u dispozitivu.

**Dostaviti:**

- Naslovu
- Nosiocu posla (Sektoru za poštanski promet)
- Sektoru za EKF
- Sektoru za razvoj i inf. sistem
- Marketingu (za objavu)
- Odjeljenje za javne nabavke
- Ponuđačima putem Komisije
- Arhivi UD
- a/a

